


五種詩草

玉堂退食稿
昨夢詩曆
東歸紀行

四書集字吟
熱海浴餘

洋学文庫
文庫8
A 113





玉堂退食稿

初就仕途賦示同僚諸君

時己酉六月朔

二十年来放浪身。特恩準擬扈從臣。擎拳曲跽君休

笑。一片朴忠磨不磷。

八月十三日奉 內旨拜觀昌平學釋奠儀恭賦

排律一篇以復命

秋天收積雨。曉日報新晴。卜此中丁吉。趨他平旦明。堂
庭粲麗掃。簋蓋森縱橫。祭酒冠裳整。眾官青紫紫。爵行
三獻禮。樂奏九成聲。觀畢人將散。桂香衝鼻清。



九月廿日

公游袖崎別業臣崇扈從賜題賦紅葉

紅袖崎邊紅葉秋。乘晴來繫玉驂騑。也知青女愛君意。一半深餘供後游。

余侍講僅半載十二月十八日始有章服之賜

辨上
下衣詩以紀恩

啓沃在心功則微。講經半載侍蘭幃。小臣何以答榮寵。一領新恩上下衣。

庚戌元旦

嘉永三年

歲市聲中斗已回。公門趁曉賀正來。違顏咫尺君威重。予賜開春酒一杯。

二日

公賀正於

幕府例也。黎明駕將出。特命臣清崇賦其事。臣謹

綴三絕句。候駕回以奉呈。

劍珮裝成儀衛隆。乘輿已駕曉烟中。兩箱金號耀輝日。雙柄羽毛毳拂風。

賀正前殿捧流霞。蓮幕風微香篆斜。一領春衣恩賜渥。

煌煌雙袖白葵花

柳營日午漏聲催。朝散羣侯接駕回。一騎飛塵來報道。

慈憚春暖笑顏開。駕畢尾從一人攙先走
馬來告之 太太夫人

二月初三

公試走馬於近郊。意在兼見梅花。因戲押花字以

博

公一粲三十韻

與東名馬是桃花。金鞍玉勒去訪花。扈從侍臣十三騎。
有驪有黃爛似花。睽翮先問新梅墅。縱觀將軍覽後

花。昨日大君臨滿庭不著塵一點。肯容外人來窺花。供張依

然疇昔跡。幾棚陳列。益栽花。揚鞭更走長堤上。樹樹紅

意未上花。嫩柳春淺。梅兒塚。東風無人奠香花。馬首轉

向木下水。古池誰擬八橋花。維時二月寒料峭。燕子未

來。况有花。聞說古梅莊。畔路新闢。田園多種花。馬蹄行

盡七八里。果見橫枝出籬花。柴門穿處巧。通徑籬北籬

南。盡放花園。了驚喜。貴人至。折取數枝來獻花。卧龍梅

在一橋外。來顧。偃蹇數畝花。比之新墅。殊古色。老幹半

蝕。碧苔花。管神廟前更奇種。千里飛梅一夜花。且投旗

亭休從僕人人買醉酒過花司馬公詩杯深酒過花興酣亭主進
 雙鯉活潑金鱗帶落花豪來飛鞭疾於鳥片片觸落路
 旁花馬塵咫尺追不得鼻端生火眼生花一蹴直到洲
 崎畔海水成灣開菱花春波淡蕩帆影遠不似寒潮卷
 雪花遙見夕陽紅林處映出芙蓉八朵花回鑣歸去中
 街路寂莫非復舊烟花誰向章臺折楊柳不見一枝解
 語花駸駸馳入深川邸解鞍喜未及燈花噫嘻此游真
 快事君臣聯轡同賞花小儒何以答恩遇且將詞藻充
 蘋花但恨臣無瀟灑筆一片風姿愧梅花

建久古銅竈歌

我公廐所置銅竈高二尺幅六尺外方內圓圓
 處置火方處燂湯以供浴馬之用傳云源右將
 將富士野時所用雖信否未可知要之為數百
 年外之物無疑也今茲二月五日中午罹災既
 亦焚矣而此物儼存似有神呵護之者
 公乃命臣清崇作之歌

維昔建久癸丑夏源公大獵富士麓旌旗蔽天金鼓震
 千隊從騎如雲簇先縱輕卒三面圍驅盡毛羣遍山谷

猛士舞刀待其來。直與擊獸相角逐。被傷豈豕人立啼。
 脫箭窮猿抱樹哭。相彼投兔輒斃之。鹿斯之奔應弦伏。
 獵罷行營竈烟揚。馬解鞍兮士釋腹。滿身流汗浴不收。
 汲盡銅爐湯萬斛。爾來星霜六百餘。此物儼然存面目。
 銅質煌煌含紫氣。古色鬱律殊可掬。何年歸我侯家
 有。神所呵護寧可黷。置之公廐不斷火。晨夜沸騰任湯
 熟。今日朝野沐國恩。誰向中原還逐鹿。圍人浴馬叱叱
 聲。無復流矢在白肉。

四月廿五日

幕朝使閣老上田侯傳賜暇之命於

公五月四日駕發江都臣謹賦二絕句以陳私衷

傳呼上使入門來。星旆翻風日色開。欲識清朝厚往

意。滿堂金帛燦成堆。

千騎駸駸指輿藩。小臣獨落在都門。眾中不敢分明泣。

暗向公輿拭淚痕。

封內名勝詩二十首錄十首

松島

遠海秋晴一碧澄。萬松倒影翠層層。灣迴島轉船如箭。

幻出天然走馬燈。

鹽釜

半灣楊柳女郎家。扇影衣香到處多。深夜高樓人未寐。低聲唱起竹枝歌。

金華

在牡鹿郡海上三里。聖武之朝始貢黃金。大伴家持獻國歌以頌焉。有陸奧山黃金華之句。自此遂稱金華山。

屹立煙霞縹渺間。海東名岳是仙寰。千秋赫赫金華句。

玉青竹陸奧山
大空國の首を花開
山は高如めけ

無復人呼陸奧山。

阿武隈河

源出白川郡甲子山。東流數百里。歷吾柴田。伊具亘理諸郡。至荒濱而入于海。按阿武二字。古歌多用逢字之義。蓋以阿武逢邦語同也。

甲子山頭是水源。洪流百里向東奔。滔滔日夜逢川浪。不為離人洗淚痕。

名取川

源出本郡清泉額東流過中田驛為中田川
 土人多設漁梁捕鱒鮪及香魚源重之歌既
 詠其事則由來舊矣歌云名取川梁瀨乃浪
 仁佐和具奈利紅葉也以止止寄天世久良
 武
 秋老源頭霜氣清。墜紅泛泛逐流輕。夜來急漲漁梁落
 幾隊香魚破錦行。

宮城野

在仙臺東郊自古多題詠俊賴一首最能盡

其勝概云樣樣仁心仁止麻留宮城野乃花
 乃色色蟲乃聲聲

東郭金風草露稠。晚涼引我到林邱。鈴蟲聲咽菽花路
 月冷宮城野外秋。

末松山

宮城郡八幡村有寺曰末松山鄰障寺寺中
 高邱青松成林其地去海濱十里餘是古所
 謂末松山云按歌林良材昔有男指末松山
 謂女曰若使海濤踰彼山吾心乃可變耳蓋

言必無之事以矢之也後人往往用此典清
原元輔歌最膾炙人口古今集東歌亦云君
遠置天安多志心遠我持波末乃松山浪毛

越奈武

雙松對立翠交枝。妾棄君身欲托誰。如使斯心容易變。
海濤亦有踰山時。

十府浦

今之利府即是蓋以十與利邦音近而訛耳
或云地產菅席十府蓋十編之義未知然否

露彼菅茅秋水寒。授衣時節最思君。苦辛為織十編席。
剪得英英幾朵雲。

玉川

在鹽釜村南古有河流與海水通今則廢為
溝渠此地本以千鳥顯所謂野田玉川是也
篝燈影滅散漁舟。殘月橫山澹未收。一道清流千箇鳥。
曉風吹度野田秋。

松浦島

在千賀浦南洲島之奇殆亞松島最宜於雪

藤原光俊詠海邊雪云降積留雪吹返須沙
風仁顯渡松賀浦島

白盡松灣十里沙滿天霏雪舞婆娑潮風忽掃洋心去
島島分明辨翠螺

真野萱原

在壯鹿郡真野村萬葉笠女郎歌云陸奥之

真野乃草原トモケトモ雖遠フモクニ面影為シ而所見ミユト云物采

蒹葭秋冷露為霜原野蒼茫帶夕陽一夜西窓千里夢
佳人宛在水中央

緒絕橋

古川驛中有小板橋即是也

多情倚柱恨難消。又見春風上柳條。心緒絕兮誰復續。
梅花零落夕陽橋。

玉造江

在本郡源發仙北中山東流過緒絕橋下而
北合于來神川

玉造江邊白露秋暮天雲盡水悠悠。小舟撐出蘆花外。
萬道金波碎月流。

袖渡

在石卷市北即來神川下流也

滿港東風吹軟塵。梅花早發海門春。誰憐江嶺流人淚。雙袖龍鍾渡古津。

磐手山

在玉造郡 黃門公所嘗城以居焉然古歌

所詠在磐手郡所謂磐手關亦係其近旁之地源俊賴歌云志波志登毛磐手乃山乃紅葉波色仁出天古曾人遠止女計連

久矣邊陲絕戰塵。關門不鎖送蹄輪。滿山紅葉秋如錦。留得林間溫酒人。

松島八勝

嚮奉 教賦封內名勝詩二十首多取古歌之意此作專出新意不本古典知有與題意左者然語嫌雷同自不得不異撰伏請賜諒察焉

一棹來迎楊柳灣。千家浦外午潮還。篙工時向游人說。可就森峯就富山。

鹽釜浦船

早潮來動翠松洲。活畫圖開海口秋。疑是靈龜現神力。

戴他蓬島水心浮。浮島翠松

蒼然暮色沒千巖。海氣吹腥冷客衫。離島猶懸殘照在。

一痕紅影待歸帆。離島夕照

月落遙洲漁火明。餘紅映水影縱橫。寒風澤畔阻潮客。

惹得楓檣夜泊情。寒澤漁火

夜水空明海色寒。冷然身在步虛壇。玉飛見月崎前月。

金湧觀瀾亭下瀾。月見崎月

雄洲西畔水煙圓。渚館翼然臨海磯。說是吾公游豫

近。幾群鳧雁帶光輝。雄島旅雁

煙籠羣島曉冥濛。只聽潮風動萬松。紅日纔升海天曙。

瑞巖寺裏一敲鐘。瑞巖晚鐘

黃雲襯出萬松山。且眩瓊林玉樹間。彩筆倩誰描暮景。

九泉難起老梅關。富山暮雪

銃隊駸々弓隊開。彩旌映日簇成堆。傳呼聲近人人肅。

畫戟森嚴擁駕來。

不耐區區一片忠。幾回引領望遙空。南薰送駕如疇昔。

馬首今朝來自東。

一拜君顏感泣深。何圖啖唾借餘音。獻詩兼及私衷。

戴他蓬島水心浮浮島翠松

蒼然暮色沒千巖海氣吹腥冷客衫離島猶懸殘照在

一痕紅影待歸帆離島夕照

月落遙洲漁火明餘紅映水影縱橫寒風澤畔阻潮客

惹得楓檣夜泊情寒澤漁火

夜水空明海色寒冷然身在步虛壇玉飛見月崎前月

金湧觀瀾亭下瀾月見崎月

雄洲西畔水煙圍渚館翼然臨海磯說是吾公游豫

近幾群鳧雁帶光輝雄島旅雁

水泉難次黃山暮雪

黃雲縣公萬林山月離島林玉樹間

流蕭寺裏一猿戲離島猿戲

四月初吉公駕入邸恭賦四章奉呈左右

花點金鞍發海隅春霖十日奈泥途紅暉今曉新晴好

鹵簿鮮明入大都

銃隊駸々弓隊開彩旌映日簇成堆傳呼聲近人人肅

畫戟森嚴擁駕來

不耐區區一片忠幾回引領望遙空南薰送駕如疇昔

馬首今朝來自東

一拜君顏感泣深何圖啖唾借餘音獻詩兼及私衷

嘉禾單季亥

語也是微臣葵向心

十三日

幕朝使閣老長岡侯來賜

公命臣在外廳并觀光華復賦三章以紀盛事

使旌輕拂柳營煙一路薰風雨霽天為感 幕朝勞問

厚送迎出揖大門邊

昨日東來纔下車朱門今晚迓皇華與藩朝覲知多少

閣老親勞有幾家

輶車返旆下階墀鐘漏時聞報午時擯相皆言實不顧

君顏逞色漸怡怡

十六日

公始朝 大城翌日詣東殿 祖廟恭賦二章

述職今朝始上城 將軍勞慰答藩屏且陳奧馬供親

馭皇驕驥黃爛滿庭公殿三馬以二馬為之副

官家有事日光祠正是 吾公遙拜時烏帽素袍東殿

路薰風復見賀正儀齒簿一如儀正月二日

曉趁新晴到水東
霜程踏破馬蹄風
揚鞭未見林楓色
秋葉廟前秋葉紅

秋葉社

憶昨春風此地過
墓門梅發聽鶯歌
荒墳今日無人弔
古柳蕭疎墜葉多

木母寺

暮山一帶接寒空
激灑微陽落水紅
汀鳥羣飛掠波去
千聲遙在海煙中

洲崎

三十三步梵王城
香火人稀寂磬聲
善射五郎今不見
雕梁空揭冠都名

三十三間堂

紫幕紅氈擁水樓
臨一帶墨陀流
簾前時聽舟人語

今日藩侯試豫游

深川邸

十二月十六日

幕府傳

天朝之旨陞 公於中將臣
大槻崇辱列侍講之末遭
遇此盛事不聞歡欣抃躍之至
謹賦長律一篇以

奉賀

果然 朝命下朱門
簾外霜晴喜鵲喧
久列羽林參廣殿
新階中將冠羣藩
榮光赫、顯 宗祖
寵澤綿、延 子孫
玉露寧無侍臣渴
一杯何日浴餘恩

嘉永年

元旦 壬子

旭日三竿朝已盈金爐歎炭見煙生冠裳影動君將出
殿上傳呼叱叱聲

大臣執贄互翱翔曳地裳衣三尺長儒士亦追文史隊
一杯春酒醉餘香

玉殿深沈晝漏遲賀正朝罷寂階墀更聞茗燕賜叅政
半椀恩波到侍醫

玉堂退食稿

四書集字吟

四書集字吟

余平素潛心四子。習熟之久。略能誦全部文字。一夕偶得大學集字詩於恍惚夢寐中。覺而檢之。不誤一字。乃謂可以及餘子矣。遂任意取中庸以下文字。經緯錯綜。諸胸臆中。意之所到。如有神助之者。三日夜間。得古今體十有八首。蓋詩用經語者。往往見諸家集中。至其取一經賦數首。則竊謂余之爲嚆矢。因錄曰四書集字吟。如其五經。以待後之君子。巳酉清明後一日大槐崇識

春日閒居三首

菜竹猗猗淇澳天。無情黃鳥亦緡蠻。閒居斷斷無他技。詩盡其辭見肺肝。

日日閒居不出家。無如教惜自欺何。休休心廣知其味。不與人交未切磋。

千里南山信不通。牛羊並至後先從。黎民亦曰樂其樂。親愛家人如有容。以上集大學字

雜詩八首

天子無為百世尊。誠明在上德如神。大臣為政威鈇鉞。

三百諸侯朝聘新。祝太平

同文之化日洋洋。金革無聲三百霜。戒慎其唯在蠻貊。南方強過北方強。戒不虞

峻極于天不貳山。登高悠遠路三千。太哉華嶽亦知辟。如此高明日配天。不二山

淡海洋洋其不測。舟之所至博如天。水神夙夜鼓琴瑟。魚鼈蛟龍躍在淵。琵琶湖

傾者覆之栽者培。無窮送往則迎來。今夫禍福果天命。莫費經綸殖貨財。知命

富貴功名憂有餘。不如遯世永終。譽從容在室。潛雖伏。博學無疆天下書。讀書

述作自專無忌憚。闇然行怪不知愚。淵泉時出溫而理。所以為文如此夫。論文

淡而不厭一言盡。敦厚溫柔宜慎思。勉強果能此道矣。感飛魚躍莫非詩。論詩 以上 集中庸字

發憤

發憤以忘食。終身追古人。樂山仍樂水。憂道不憂貧。坦蕩如平地。溫良必有鄰。善哉倚衡語。張也書諸紳。

不才

不才唯願學而優。富貴浮雲難可求。沒世稱名首陽餓。一朝辨惑舞雩游。從吾所好由斯道。於女何誅居下流。四海滔滔皆是也。豈如飲酒以忘憂。

一日二首

一日有餘力。曲肱而枕之。周公不復夢。甚矣吾之衰。已矣浮于海。洋洋取瑟歌。斗筭何足莫。患得鄙夫多。

莫春六言

莫春春服既成。見與先生並行。童子樂然後笑。絃歌盈

耳洋洋以上集論語字

初夏游袖崎 公園詩三十韻

臣聞大國富。繫馬千駟。城南設園囿。反取具體微。有時一游豫。草木生光輝。微臣及閒暇。以其私來窺。山徑茅不塞。丘陵自高卑。百步五十步。而止行遲遲。喬木高數仞。鳥獲不能移。欣欣榮夏日。暢茂相扶持。一逢秋陽暴。見文繡。施訢然來柳下。惠風萬縷絲。長者下車處。攘臂為折枝。掘井及九軻。原泉混混來。激之使在山。湍水不可磯。昔有生魚饋。校人畜之池。始舍猶囿圍。少則

攸然之。於物魚鼈躍。洋洋得所哉。沛澤多鴻雁。白鳥鶴鶴飛。不兼養生鶩。惡用駢駢為。汙池與園囿。何人竭心思。樹藝有如此。知非賤場師。枉道則之野。雲宮月亦宜。登之左右望。有似龍斷私。俯矚不下帶。田野無饒肥。雨露之所潤。待時下磁基。播種耰穉麥。皆熟日至時。終日有此樂。忘矣渴與飢。深山交木石。異野人幾希。惡知其非有。久假而不歸。吾見亦罕矣。君心未可知。誰作相說樂。來歌角招詩。

無恥篇

齊人處室者。所與盡言。其妻告其妾。未有顯者。至。吾將。矚良人。明日且蚤起。施從之。東郭墻間。祭者止。乞餘。又之他。廢足道。乃是妻歸。告其妾。中庭泣相視。君不見。恥之於人。亦大矣。機變之巧。無用。恥所以不可以無。恥。無恥之恥。無恥矣。以上集孟子字

四書集字吟成矣。適佐野大夫西村君。邀余燕於其侯。別業。則携而往。君開卷朗誦。嗟歎以為驚才。時芳菲滿園。飛紅撲衣。乃舉觴屬余曰。今日詩如何。余於是集李太白桃李園序中字。賦三絕句。非敢鼓餘勇。

也。聊以博一笑。其一曰。詠歌皆俊秀。煙景况春陽。金谷何依數。坐花飛羽觴。其二曰。幽賞瓊筵坐。花飛桃李春。為歡良有以。何獨古之人。其三曰。光陰百代過。春夢幾浮生。天地文章有。獨慚詩不成。時三月望日。既歸。燈下錄以代跋。崇又識。

跋

詩取經語。古人集中往往有之。然就羣經而會萃之。亦易耳。至局一經賦數首。則憂憂乎難矣。故千古詩家未聞有之。其有之。蓋自士廣始。士廣此卷。僅僅三閱夕之所成。而湊合自然。針線精密。渾然如無縫天衣。豈非四子全經爛熟于胸中。而才氣奔放橫溢。乃至于此耶。昔張華謂陸士衡曰。人常恨才少。而子更患其多。余於士廣亦云。嘉永己酉三月。良齋安積信拜題。

士廣之在茗壺也。才華既屈等輩。日晡燈未點。琅琅之聲起于暗室。比舍生穴隙以窺。則端坐仰梁。誦韓蘇之雄篇。大作者。士廣也。學中相語。以爲其菁華。由有盤根深莖。今二十餘年。讀是詩。乃又知擴其力於四子。爛熟之極。溢爲創新之奇作。已取華乎。取根乎。必有知所擇者焉。然此爲學士廣者言。不爲士廣言也。己酉桐月。宕陰鹽谷世弘跋。

昨夢詩曆

明倫彙編

昨夢詩曆

本名盤溪外集
白序戊至辛酉

磐溪子輯 男 清復錄

送浦賀尹淺野君赴任 庚戌三月

嘉永三年

吾觀近世待外夷。牛力割鷄亦甚哉。一艦所裝砲幾口。
我乃千萬人備之。不獨四鎮勞守衛。沿海諸藩奪命疲。
待其揚旆纜撤備。經費何翅十萬貲。欲救此弊在審彼。
英清近事知不知。一縷鴉片煙未滅。席卷江南已有期。
且約歲幣二千萬。城下之盟飽腸歸。挾其餘威來擬我。
欲啓兵端苦無辭。我策如出礮擊未。彼輒得志速尋師。
弘安神髓不思待。滿清覆轍現在斯。不若且收張皇勢。

燕服從容詰其來。互市大禁不可許。求薪乞水乃可施。
國威既立。冗費省。柔遠戎莫善於茲。淺野鎮臺將赴任。
祖席迎秋苦乞詩。吾豈贈人以言者。畧陳固陋君且裁。
行矣海衛國軍事可說。區區私別離。桃花楊柳春三月。
明年迎君亦此時。

四年

中津侯新鑄葛農礮二門。使吾友佐久間象山試
演擊於總之鶴牧。象山別號其侯。亦藏大小衛天砲二口。余近受命
學此術。因請暇往觀焉。實辛寅仲冬六日。
車如流水砲如龍。十二斤彈是葛農。呼做將軍誰復議。
猛威摧盡萬人鋒。

一聲霹靂破雲來。餘勢掠波跳幾回。都人遙聽夷響。
應道南天有凍雷。

響動海山煙未消。霰彈如雨注高標。憶他西煩前驅去。
奪得千尋落日橋。用却波烈翁事。

一丸挾火截長空。遙曳餘聲落海中。鉄片瀆使波起。
恠鱗出沒水仙宮。

孫吳未必策全功。一掃壘船在火攻。更有蚩尤逞奇術。
長沙五里霧濛濛。

演礮歸來日已昏。評工品拙語紛喧。誰知三客攬先云。
五井村樓醉後論。

五年

大森村演大礮歌 壬子七月

山田水練鴉學鶴。書生火術人所嗤。誰知慷慨憂國志。擬將微力防外夷。聞說天文戰爭際。鳥銃遠自南壘來。大礮所傳果何代。四輪車小難轉移。一自洋書經重譯。銃造車製漸適宜。近日諸藩競模鑄。無乃居安不忘危。二寸彈衝天砲。即是金虜震天雷。十三寸彈手約砲。其名蓋取可手持。三斤彈是將軍礮。亦異舊制佛即機。十五寸獨無定號。且呼洋名做忽微。并將四礮一船載。品海轉到大森濠。官家新開演礮處。十里沙場長埒圍。維時七月十日。曉煩車輾輾朝騰。長砲短砲森成列。一

邦俗好鴉鶴
考鴉其誤矣
今世後之

竿遙見翻標旗。忽有教頭傳號令。二人耦進射手隨。榴彈裝成砲首仰。一人挺身火其膺。疾雷何曾及掩耳。電光吐在海之涯。碎片四散飛入水。餘芒遙響羽田崎。七人一隊繼之進。立定各各位拍塵。大車橫架長蛇礮。昂低一視象限儀。左裝彈藥右棚杖。中軍拳手火輒施。連聲霹靂海山震。魚龍失窟鳥泣飢。我亦隨行演數礮。偶中慚被眾人推。平生礮藉非不讀。求之實際有餘師。獨恨吾藩關此術。墨守舊法慢不疑。君相早察虛實辨。新鑄洋砲補軍姿。非曰能之且願學。為百丈長所不辭。後來苟助三軍勢。不負東國一男兒。

六年

癸丑至日大宣鐵心大夫盛集分侍吾有以待之六字為韻余得侍字

苟侍其可侍無侍不可侍能固其國本四邊民憑侍何謂固國本君明臣有侍聰明而神武不殺亦堪侍而況臨戰陣三軍皆倚侍否則將權輕號令獨難侍今之負氣者吾知不足侍口說日本虛勢徒矜侍譬之黃吻兒帳之失估侍當其一敗時唯神風之侍嗚乎海防策安在欲与虜戰果何侍君不鑄鐵造艦渾閑事鐵心之外無足侍

安政元年

春夢篇

甲寅正月二日夜賦
夢中所見名春夢書

橫曰此會余亦與焉酣飲
色日深痛極出實一時之快
事也亦不以此世一受一福亦
可短也今陸氏巧不覺其欣

詞氣雄壯語多
可盡讀之徒有注
人索出
詞曰佳佳者皆可
也世是鏡

米夷來來幾時維莫之春以為期曉煙淡々收帆影火輪輾海疾如飛烽火不揚砲臺暗巨艦已過觀音崎海門成士投袂起爭馳快船四面圍回翰有無何遑問礮聲已接海之涯春烟忽變成毒霧々中隱現紅白旗戰酣誰進火攻策幔裏枯柴前後來東風助勢烟焰漲萬雷聲中電光馳鐵作海城何足恃銃藥翻為自焚資檣焦帆爛沈海底百千魚腹飽浮屍城中凱歌未及奏滿船將士呼快哉行人獨誦樊川句卷土重來未可知

擬贈清人羅森

避亂垂船亦一奇吳中戰鼓不聞知翻將萬里東來眼

千古史談

寧爭國歲

揚白亭想

快觀芙蓉絕世姿

和林祭酒書懷韻三首

使臣專對擇才能。萬里風濤度峻嶒。七道標旗輝曉旭。一聲虛砲報晨興。成兵未徹士騎席。和議繞成人釋冰。記得垂首獻方物。飛輪巧技壓奇肱。

頽俗挽回非不能。神州義氣久凌嶒。北條勇斬消邊孽。南木精忠助中興。炙背區區獻微暖。履霜凜凜恐堅冰。腰間時躍龍文劍。未把殘骸付曲肱。

為人性拙任無能。其奈世途峻且嶒。一片丹心寄慷慨。千秋青史感衰興。看他邊議持蜂鷁。聞說廟論爭炭冰。

陸羽不為險要常稱擅場

後程妙

唯有清風如故友。北窓來伴卧餘肱。

聞關西地震慨然有此作

豕豸山崩沸百川。生靈壓溺豈非天。廟堂燮理知何策。嗚咽空歌十月篇。

二年

乙卯六月念一介薩侯近臣井上某觀其新造軍艦歸後作歌以呈侯

掃蕩妖氛限大洋。一鎖不通二百霜。風帆近走山影際。危檣突兀表扶桑。物換星移天地變。一新祖宗舊局面。米利幹曾西亞。只用和親不用戰。彼來我往勢且然。創造巨艦亦是天。如今竟近經營裏。江門未見品帆懸。

薩侯夙解泰西度。模造一一不愆。素艦成航。海術亦通。
 快駛三四千里。路來泊萬樞林簇間。旗影依稀。訝漢乘。
 吾往觀之。高輪浦馬銜。微籟金爛斑。三柱屹立。十餘丈。
 帆絳絳。橫若蛛網。二十四斤。大鐵煩。左右森列。雄氣象。
 駕梯更入。船室中。玻璃引明。太玲瓏。將壇平倚。有區畫。
 彈丸疊積。硝藥充。嗚乎製造之精。有如此。足使西人詫。
 絕技。好借史筆。大書傳。洋製軍艦。從薩始。

偶感

橫海堡。臺兵備嚴。且容邊裔。寄垂帆。迂儒亦自知時務。
 一領衣。藏衣在。丞時新鐘告成

此種變化。前此題
 稱史筆。大書。是夫
 子。也。

哀悼

○十月二日夜四鼓。都下地大震。城郭街巷。一
 時皆壞。所在發火。延燒達旦。死者蓋十萬餘人。父
 老皆云。前世所未曾聞。余偶讀某生詩。不堪慨歎。
 乃疊其韻。以述鄙懷六首。
 屋倒牆傾。壓殺人。天將異變。誓同倫。何心更逞。祝融毒。
 焚盡生靈百萬身。
 大震曾聞上國人。山崩海沸滅人倫。今日萬屍橫道路。
 豈圖親見在吾身。
 廟堂燹理豈無人。應變奇才孰出倫。熱血滿腔何處瀝。
 弱天踏地不容身。

倫身采字也使用甚能
乃他字至要化何等

却向書中求古人。賈生才調更無倫。若教之子在今日。
甘附執鞭從後身。

一開鎖國納蠻人。世變古來無以倫。寰海未成戎馬地。
幸然猶是太平身。

少小期為不朽人。竊歎洪範叙彛倫。半生漫自託鉛槧。
未有著書能等身。

吾公憂恤之餘。多出內帑金以賜群臣。仍勗以講
文武臣。清崇不堪感激之至。恭疊三章以紀恩。

首

減膳損衣常愛人。新恩今更遍羣倫。溫言挾纊何堪以。

君德之至可未
右坊采

只覺春風被一身。

臣之壯也。不如人老。且無為漸等倫。今日君言及文
武。報顏何地可容身。

自悲風撼已無人。偏識君臣是大倫。一領鐵衣三尺劍。
只期緩急致其身。

十日震漸止。而有賦

震餘微動屢驚人。地定天平不改倫。更喜滂沱一宵雨。
惠然霑被萬人身。

和林祭酒震後偶作六首

天下滔々溺宴安。狹斜纔說又勾欄。神靈猛怒傾坤軸。

要以餘威濟太寬

欲尋親友問平安。狼藉片扉兼斷欄。幸矣全家顛覆處。留他空隙一身寬。

曾無棋局似長安。滿巷灰塵未設欄。想見昔時兵亂跡。天陰鬼哭野間寬。

矮屋三間居易安。畫樓何更望雕欄。果然吾室未全破。容得圖書鷄犬寬。

補屋脩牆竟始安。案頭時展烏絲欄。一篇錄得震災記。拉雜無倫君且寬。

慚無賈筆策治安。且廢讀書憑小欄。但為君思深到骨。

老槃未學碩人寬。

送小野寺君鳴雉三浦乾也赴仙臺

東奧多奇士。君鳴最傑特。不待文王興。奮然學中國。讀破萬卷書。餘波及西域。常誦伐檀篇。君子不素食。乾也市井民。仰慕九五德。擬駕垂天雲。周流窮八極。幾隻飛鳧。船結構皆在臆。利器求盤根。壹鬱無人識。一旦知己逢。忽得吹噓力。吾藩特命傳。委任曾不惑。君自乃倅才。造艦日可刻。想見經營中。不失遠西戎。更起鎔鑪鑄。鑄數十則。置之舳艫間。駢列為兩翼。海運達江門。或航蝦夷北。邊警一朝傳。可以禦夷賊。木成苟如斯。雄藩無

漸色奇士成其奇。工師不失職。吾亦同志人。慷慨奚可
默。去矣白河關。大道一髮直。

三年

大風行 丙辰八月廿五夜

驅飛廉役惡來。簸揚天地海水傾。萬家漂搖人壓溺。造
物逞毒何慘哉。頻年地震動九土。儆戒上下情文武。予
其懲不悛。後患無方。天公激餘怒。嗚呼無乃天公激餘
怒。

又

秋大熟禾未穫。颶風暴雨一夕作。城中明日米價騰。或
恐老羸轉溝壑。燮理誰得宰相體。不是賈生亦流涕。廟

堂第應無遺策。金滕之書啓不啓。

題秋甲山海嘯餘響依其原韻三首

豈料顛沛換安居。養素知君學子車。裂地震災才免火。
排天濤變殆為魚。雖然頻歲過奇禍。只合一生終永譽。
樓指同游已無幾。到頭莫使社盟疎。

去年大震覆城居。無乃前車戒後車。颶母一宵翻海水。
靈均幾處葬江魚。須將直筆錄懲忿。莫把私心曲毀譽。
福善禍淫皆有數。誰言天網恢恢疎。

拮据才支震後居。不須携手賦同車。肯將素食消烏兔。
且把朱研校魯魚。幸矣微軀逃九死。免他群議博虛譽。

飽尊有酒書堪讀。一笑先生半計疎。

天開行呈某侯丁巳八月

四年

天開鎖國通聰明。靈慧妙智從斯生。日月所照地所載。自有火船可橫行。奈何此時却辭。窘於吏智亦屈。吾恐一旦邊警傳。不免呼神仍呼佛。何若直駕萬里風。一舉彩鷁凌長空。君不見出洋一步天地別。仙島神山森羅列。

和復林公月下偶成之作

一將外事委儒流。羽檄紛飛海警秋。和熟東西繞定議。功成朝野不知愁。呼醒鋸齒峯前夢。憶起錦屏山下游。

五年

借問先生綏遠畧。何人更與古人傳。

擬送杜雲仙還下田戊午

不見英夷百萬軍。早將三寸策殊勲。挺身奉使古無例。緩頰定盟今有君。置吏雄都銷外侮。開商好港勸民勤。歸程何物壯行色。富士峯頭八朵雲。

六年

十月廿七日。幕府有命。割蝦夷東境三千里之地。

賜吾公野分。孤納三島。屬焉越一月。公示手書於群臣。以傳恩命。且諭曰。守衛開墾。汝等苟有所見。各自建白。勿有所諱。更命儒臣清崇作之歌。臣清崇不堪恭慶之至。謹賦長歌一篇。以獻微衷。

蝦夷東境三千里，新賜。吾公抑何意，借力雄藩固疆圍。幕朝所擬不外此，臣於是乎有三策。畧陳因陋幸熟思。一曰養土著之士，擇藩子弟移其地，互寒漸慣，服土性，勁悍始可講武事。二曰定開墾之法，咨詢洋人，用其智，開拓不毛，彼所熟，竟使山海無遺利。三曰起富強之業，相愛海灣，開互市，魚鹽麻縵熊羆皮，可以易軍國用器。三策要之十年後，東方更開新瑞穗，鳴乎藥不，眩病何瘳，抖擻精神，在諸吏。君不見米利昔日曠漠原，人煙達境，百物備。

歌既成尚有一事可言，作絕句以補之。

不必通情待秋鞮，化夷唯在撫黔黎。隣交更要十全策，隔海青山是魯西。

七年

送水師總督木却攝州之米利堅

庚甲正月十二日

乘長風破萬里浪，快語久聞紙上傳。何圖目今在日域，送君長風萬里船。維皇安政七年春，洋千八百六十年。新公垣公奉使節，鶴首遙指米利堅。木公別艦導之往，火輪先着第一鞭。是為吾邦航海始，開物至此豈非天。嗚乎長風萬里行，并君胸中書萬編。實往而實歸，示我天地未曾有之雄篇。

臨別賦此為誌

今夜一杯酒。明朝萬里行。黯然双淚下。不獨別離情。

送新見村垣二公使米利堅

節鉞威風卷急流。也知使命出懷柔。火輪輾去太平海。送到浮嵐紫翠洲。

門人川崎生將從新見公之米利堅賦此以贈

此去南洲何日逢。連天積水碧重重。遙山忽見人烟起。滿艦歡聲拜閣龍。

聞藩王出生亦從行又作一律以贈

茫茫太平海。船走大濤間。萬里唯觀日。五旬不見山。人煙逢異境。蜃氣訝仙寰。無路通音信。秋帆只待還。

文久元年

偶感次岩巖鷗所君韻

親藩承大統。燮理委元老。如何西都間。水火爭濕燥。可憐武元衡。朝駕左右擣。近聞霞浦東。風色太不好。橫行黃巾賊。剽掠及孩抱。安假鷹鷂手。驅入水網藻。而後迎鸞輿。蕭雍下周道。

再疊原韻

耳熟膝下言。又聞之故老。魯西慕神州。自吾髮未燥。少年張虛膽。欲截之一擣。公獨持長策。不如和親好。吾亦獻野芹。區區吐丹抱。果然兩國人。和睦竟戲藻。苟不失隣交。萬古仰神道。

送其作秋坪從行內松平二公歷聘西洋六國時

辛酉臘月廿二日

自開海國達中聽萬里風濤信始通。米魯英佛望風至。
字漏葡萄競朝東。來而不往亦非禮。今日奉使有二公。
博望窮河何足比。延陵歷聘畧相同。從官箕子稱才俊。
載將橫文助其信。咨詢本是使臣事。好把工藝細問訊。
窮理精確彼所長。周游各都技益進。鳴乎三寸舌一枝。
筆待君來佩六國印。

送市川生從松石州之泰西

天朝大德廣如海。綏遠遣之萬里海。香港去向新嘉坡。

翠藍西轉是紅海。輒路輾上火輪車。揚帆更走地中海。
吧禮倫敦恩斯德。歷聘諸都向東海。字漏生而魯中亞。
彼德城關冠四海。五國聘終未便歸。葡萄牙問之沿海。
鳴乎井蛙不可以語海。外何知更有海。只合採拾異
聞去。幾卷紀行名環海。

門下川崎生再奉 幕命之西洋賦此為贈

米役一行十九人。重應遊選有斯人。昨日東洋今日西。
橫行大海若無人。俗吏動彈入異域。託言柏人是迫人。
此行既為和親使。和親寧有仇視人。歷聘泰西六王國。
碧眼紅毛誰非人。我輩之書補職方。從官須用讀書人。

嗚乎破萬卷行萬里。不圖門下出若人。欲唱長歌壯行色。只恨凡語不驚人。

送中濱萬二郎從水野筑州航無人島

邊海鶯花應始春。開成事業一帆新。百年間却無人鳴。破得天荒今有人。

昨夢詩曆

熱海浴餘

熱海浴餘

熱海浴餘

已未首夏余與橋梅處請二旬之暇歷浴熱海及箱根七湯兼濟山海之勝來往得二十絕因錄為一卷并注經由於題下以供他日卧游

過根府川關

熱海之路自小田原左折而南渡早川循石橋山行此際巨石當路行步甚艱余與行抵根府川關與橋梅處卓一榭而過關吏不敢誰何游程用榭此行為始松間喝道為之撫

掌

玉函南去石橋山路入峻巖峭壁間清世餘恩無處報與窓睡過府川關

米神村

米神一作米嚼在府關之北治承之役真田與一典股野五郎闕死處其徒文三墓亦在道左余既過關偶有所感因追次前韻

天城勢以蜀中山曠世英雄起此間典上文三徒死耳誰知骨肉有張闕

途上望真鶴崎

真鶴崎在葦濱村東浦淑寧環斗出于海即源佐公上舟赴房州處

一敗未曾歎折摧快舟已觸海之隈關東非復江東以百萬雲從卷土來

熱海一碧樓所見

熱海之村負山面海聚落二百餘家而湯戶居其二十七今井氏為之長一碧樓則其家最高處樓上望大島初島極為佳眺其餘唯

一碧萬頃恰與樓名稱

帆飛鶴入送冥二島當樓太有情一淡一濃青遠近夕陽紅歛更分明

溫泉寺贈某上人

溫泉寺係妙心派在村西數百步其溫源湧出處却在今井氏門內此湯湧有期大抵晝夜各三次當其沸湧之時雷轟雲騰蒸氣衝天霏霧散半餉許而止是他湯所無真靈泉也或云蜀土六時泉即是

熱海靈泉天下奇沸騰晝夜有常期遠公不用蓮華漏只聽雷轟禮六時

訪興禪寺

興禪寺在和田村距熱海小半里開山祖為授翁禪師授翁即黃門藤房淅後法孫也庭有稱手植松其舊者已燬死今所有係近時續植云按澤旭山浴海志畧曰元亨帝之以暴易暴藤二位諫而不荅乃棄紳絃如脫屣四百餘年之久使海內人不知授翁之為藤

二位其隱何深夫素患難而行學佛而成佛
如藤二位者真大丈夫真佛菩薩哉此論實
獲我心

龍馬西來皇運空藤公一諫去無踪千秋留得興禪
寺仰看授翁遺愛松

宿走湯村

村在豆山祠下海岸盡頭溫泉自巖罅流出
傾瀉成瀑浮生烟以落海濤中真奇觀也
是日余早起欲觀日出海氣茫茫日光纔穿

顧眄之間已失之杳冥歸寓果雨

朝暾纔吐失餘紅咫尺只驚潮勢雄海雨將來雲氣
惡遙帆忽落杳茫中

舟行游網代港

港距熱海南二里舟行揚帆一餉時可達其

民皆以漁獵為業按秋山某豆州志云網代

以漁網代耕田之義施愚山句水驛舟為馬
漁鄉網代田暗合亦奇

水程十里一帆舒網浦津頭繫纜初海國薰風夏猶
淺杜鵑未叫喫松魚

登日金山二首

日金山為熱海第一絕勝始自木宮右折入山路此際每六十步置石佛一基以記路程五十基乃盡有地藏堂循堂左更登教十百武則丸山是為絕頂彌望唯黃茅白葦絕無雜樹因思丸山蓋童山之義也山上刻一巨石以表十國五島方位遠望之總房諸山一帶曳青畫處一碧接天浩淼無際大島近在襟帶漸西利島新島神集諸島依約雲際

天城山位西面矗立參天磅礴偃蹇橫絕南北殘山剩峯繚繞其麓蜿蜒飛舞殆如其足柄愛鷹諸山隔海相爭者西北則海水成灣煙波渺然遙見三穗松原於澹靄杳茫之中洵為閔以東偉觀也但蓮峯入雲麓趾隱躍終不得窺一遺恨殊甚

羣巒環繞海成灣一碧洋洋不見山忽覺飄然換九骨神馳五島十州間

亂峯飛舞勢朝天天嶽獨持晴雨權神靈為惜看山

福閣在雲間白玉蓮

蕤山

北條氏城址在縣令江川君宅後地勢特起濠水繞之松杉雜樹蔽擁其上頗為天府之地但規模甚狹恐未足圖大業是為可恠耳九郎權畧若為情杖劍遙三千里行恠底金湯區畫小并吞八國是斯城

題鈴木氏會雪窓

稱文三其父範左別室有窓恰納富岳三峯

咫尺殆如造設出者奇甚主人請窓名余乃取老杜句命曰會雪窓

何來爽氣入窓中當面芙蓉聳碧空一點無雲朝日麗三峯霽雪帶餘紅

函關別同行岡士文

士文名棨稱啓輔才學夙成儕輩所推今任昌平學舍長助勤此行請暇於官從游期在望日故半路告別意殊悵々

品水評山日日親離亭未必淚沾巾玉函關外一杯

酒纔過半旬逢故人余輩歸期亦在後五日

宿蘆湯

箱根山中有七湯曰蘆湯曰木賀曰底倉曰宮下曰堂島曰塔澤曰湯基蘆湯出蘆葦中故名地勢高寒花時多在四月中云

幾家湯戶葦蘆西浴客來游簇大鷄首夏恰如三月節山茶競發亂鶯啼

底倉

地勢與木賀相似而更極幽邃湯戶三四倚

崖起樓澗水流其下淙淙有聲底倉名允當奇巖出沒澗流喧千仞斷崖雲樹繁非有靈泉醫痼疾誰尋谷底教家村

宿宮湯

地有熊野宮湯泉出其下因以名焉聞夏秋之交都人託澡泉來游者以千百教男女孺雜絃歌紛起為七湯中繁盛之場余之來正當四月中時浴客甚少鶯聲故山殊覺寂莫幽草閑花粧點溪危樓下瞰野雲低山中昏日無春

夏杜宇倉庫相喚啼

余曾欲一聽秋鷄之聲物色半生忽聽之深山獨宿之候亦游踪一奇遇也

一畝之宮城裏棲平生恨未識秋鷄客窓半夜喜無寐細聽簾前角角啼

堂島

堂島有夢窓國師安禪處所謂白糸瀑瀉出其側頗占泉石之勝

地名堂島定何緣盤石垂蘿安老禪豈有緇衣浣塵

土幾條乱下素絲泉

塔澤

按河寬齋塔澤詩不聽鴉子報晨來池五山則曰屢被寒鴉報曉知余之宿蘆湯問之湯館主人乃云山中唯有神鴉一隻他無有也然則五山所聽果神鴉之聲歟書以為話柄駒岳學峯挾路高羊腸九折豈云勞靈山醫得烟霞疾歷浴諸湯到塔臯

山中別伊藤生

生名茂雄稱律之助亦為昌平生員此行將
游修善寺迂路訪余宮湯寓樓一宿而別
相山豆海儘探搜宿志平生未足酬蛇骨川頭一宵
話借君勝具補斯游

余嘗陪靖恪林公歷浴豆相諸湯且攬賞山水
之勝今已二十有五年矣讀此卷皆熟知勝概
而首、實際情境宛然使久再游之念躍、焉
真快筆也朗誦之餘批以還之

己未清和月下浣 辱友閑研拜批

昨讀此卷熱海函山皆如親涉其境使久神飛
魂越今日發都到金川臺海灣一碧心目清快
而橫濱資易之場將落土木殊壯乃謂不可無
詩再出此卷閱之此地亦先生所經而無看一
詩何耶因聊錄六七年前舊製以補之
孤客鞍頭感慨催海門落日晚潮回誰知一片
武夫恨成迹秋寒本牧臺

清和月念七 鐵心小原寬醉中漫識

東歸紀行



東歸紀行

卷之五

東歸紀行

東歸紀行 三十五首

初見五城樓主人 稿

壬戌九月廿五日有命移家歸仙臺余於是整頓諸事蒼黃治裝告別諸侯大夫及諸舊友將以十月下旬發江戶留一首為別

一別非無再會期多年交態奈分離剛腸亦是難支得暗淚霑衣不自知

發之前日雲如山人來訪云明日將赴京賦二絕為贈



杞人憂國枉悲辛。投筆戎軒未是辰。多汝太平無事日。早拋身力作詩人。

相逢草草又登程。我向仙臺君入京。水有雙魚天有雁。莫將山海阻交情。

似後任本續醫伯

辛勤築屋二十年。留与名醫了舊緣。如有故人來問我。五城樓畔一迂仙。

千住驛謝來送諸子時小春念五日也

縱令聚散付夫天。臨別誰能不黯然。同學少年唯自愛。

相逢刮目是何年。

草加途中口占

半生事業在江城。今是昨非何若情。避得虛名歸故國。興行自覺一身輕。

渡房川閣

閑識婦女定何因。清代寧容竊負人。一隻長槍翻錦帶。津丁牢記與藩臣。

古河逢水石霞外諸友

大道坦坦吹馬塵。行松畫處是城圍。霞翁樓上三杯酒。



東出房閔逢

小山道中所見

東指家山貧路回。輿簾半捲雨窓開。松杉凡外筑波翠。
前面繞過後面來。

宿石橋驛

寒衾夢覺夜如何。只見殘燈暗結花。連枕妻兒眠在側。
一宵羈寓亦全家。

阿久津

平蕪渺々接遠天。路入野州寒凜然。日落二荒山色黑。

行人晚度鬼奴川

宿氏家驛

一覺不眠宵若年。萬端愁緒只紛然。曉來却喜霜威烈。
窺戶明星爛在天。

太田原

黃茅白葦踏霜行。毛野蕭條日易傾。難奈輿丁頑犢甚。
只貪酒價不貪程。

宿龜挂驛

兩驛夾溪茅店橫。奔流激石佩環鳴。山中無復六時報。

只候隣鷄一二聲

過二十三坂

崎嶇二十又三坡。我僕無如痛矣何。亦是君恩波及處。輿忘擁火坐經過。

蘆野途上

日照輿簾紅欲流。霜寒不犯黑羊裘。半旬無雨仍無雪。小隊容予入輿州。黑羊裘即木君楷堂所贈

白坂

十年重度輿州山。屈指仙臺六往還。落木寒雲天漠漠。

不知何處白河關

將入白河雨雪驟下

征途苦樂奈何哉。冷透輿窓不肯開。一變連朝晴色好。滿山風雪暗天來。

晏起發白河雪霽日出喜甚

萬事人間付塞翁。一宵過慮乍成空。曉風吹掃黃雲盡。又見東天送旭紅。

宿湏賀川是日冬至

大兒閱曆小兒嬉。阿母目前嬌女嬉。湏賀川頭南至酒。

微陽已動客中危

宿日和田村

輿夫忙去響呼鴉。行至和田日未斜。荒馭蕭條人馬乏。滯將行李宿農家。

逢隈川

此去家山三日程。歸心若箭奈痴情。一條淨碧逢隈水。予我客輿追逐行。

宿本宮駅。是日又雪。

非因風雪嘆此遭。馬乏人空不可前。半日淹留還自好。

霽窓訂得客中篇

双松城

欲停輿馬望孱顏。短日長程不少間。記得温湯生各處。曾登安達太郎山。

福島

双松双杵路崢嶸。平野遙々福島城。倦矣行人且努力。家山咫尺是前程。

發桑折駅

行窮輿野曠茫茫。敝盡征裘髮欲斑。桑折駅西三尺雪。

銀光流溢半田收

復月初七入封內。竟始安然。是夜宿白石。得六首。

短才報國恨無期。辛苦移家知為誰。鄉思官情結成夢。

夢中吐出幾篇詩。

赫、東方一大藩。老成雖少典刑存。強兵之策果何出。

欲獻微臣富國論。

試問方今何等時。因循寧可拘前規。只應開法祖宗外。

爭勢人情兩得宜。

舊習由來此戲多。有司不日奈之何。明眼如能辨虛實。

快於漢祖祛煩苛。

一言君子以為知。迂腐常談且莫嗤。凡事須從至公出。

毀傷政體是斯私。

漫道經綸在宿儒。區、講說竟何如。欲將實用助人事。

活眼讀來天下書。

發岩沼馭

催促輿丁赴早朝。歸心尚覺路程遙。村名花巷吾曾記。

戶、招牌賣蕃椒。

度西郡橋有憶江都諸友

英佛新談久不聞。遠征人已達仙津。都門知己應相憶。
擬報平安託火輪。

到家

故園千里駐歸輪。喜見蘅茅卜築新。稚子僕僮還在此。
候門迎路是他人。



東歸紀行

